



Vastelaovesvereniging De Bessemebènjers Bor

Optochreglemènt 2020

De insjriever en/of déilnummer aan de optochte verklaore kénnis te hóbbe genómme van de inhauwt van 't optochreglemènt en zich hauwte aan de veurwaerde en dees nao te laeve op sjtraove van oetsjloeting.

De Vastelaovesvereniging de Bessemebènjers aanvaare gein éneke aansjprakelijkheid veur de déilnummers geleeje sjaaj en/of ónvalle, eswie veur de déilnummers aan driede toegebrachte sjaaj.

Alle déilnummers zeen zèlluf verantwoordelik en numme aan de optochte mit hun daobéi gebrúúkte middele déil geheel op eige reezekoo.

Óm eine gooije doorsjtreum nao de opsjtelplèk, noordkèntj van Aquarius, te verzekere is 't verzeuk aan de déilnummers 2 t/m 11 aan te rieje vanoet de Vespasianus en de déilnummers vanaaf 12 en hoager vanoet de Castor. Loer svp nao ongersjtaond plaetje.



1. Alle déilnummers die mitdoon waere beoordéild door de zjurie en mótte zich op zunjig 3 mjèrt tösje 11.00 oer en uterlik 12.00 oer melje bie 't nummer of lètter aafhaole in kafée "de Sjoester" (ósse Tempel). Van te veure mótt bie 't Optochkómmetee al 't tema, idee, naam, i-meiladres en tillefoonnummer doorgegeave waere. Alle déilnummers mótte óm uterlik 14.00 oer op de plaats van de opsjtelling, Aquarius (noordkèntj), vaerdig sjaon zoadat de optoch óm 14.11 oer kènt vertrèkke. 't Déilnummersnómmer sjeit

Hofleveranseers van de Borse vastelaovend:



oppe sjtoep gekriet.

2. De hermenie äöpent d'n optoch. Daonao volg de res van de déilnummers. De Prinsewage(s) sjtèlle zich oppe defielee-plaats aan de Claudius op. De prinse en de Raod van Èlluf zulle de déilnummers dao begroete, woo-nao de déilnummers hun kreasie kènne veursjtèlle. **Déilnummers dènk eraan dat 't prettiger is veur anger déilnummers en pebliek dat groepe good op mekaar aansjloete en 't veurkump dat de luuj minder sjnel aafhaoke.**
3. 't Gebroek van zandj, zaegsel, mès, sjtickers, pepiere sjlierte oet versjnippermesjien of plastiek of allemienijóm konfettiesjnipers en 't gebrouk van een konfettiekenón is door de gemeente Zitterd-Gelaen-Bor verbaoje. Euvermatig alkoholgebroek is verbaoje. Sjofeurs mótte alkohol en verdeuvende middele vrie blieve. Drank maog neet genuttig waere oet glaas.
4. Aansjtoatgaevende kreasies euver religieuze en angesdènkende zeen verbaoje. Krenkende of ónsmakelikke oetbeeldinge zeen auch verbaoje. Aoep vuur of gebroek van vuurwerk is ten sjtengste verbaoje.
5. Van te veure neet aangemelde reklaam en/of 't mitveure van deere kènt tot oetsjloeting leije.
6. Maksimum sjnelheid in de optochte is 5 km per oer. Zörreg veur eige- en anger-déilnummersveiligheid en brèng gein sjaa toe aan pebliek of ómgaeving. Neet te vööl luuj oppe wagens, dènk aan ein val beveiliging, kènjer ónger de 14 jaor oppe wage waere begeleid door groate. Geine angere op de trekker dan de sjofeur.
7. De optochnummers of lètters mótte good zichbaar zeen.
8. Oppe plaats van de ònbènjing aangekòmme, sjtèlle alle déilnummers zich op aanwiesing van 't Optochkómmetee op. Vanaaf de prinsewage waere de prieze bekènd gemaak.
9. Volg de aanwiesing van de 't Optochkómmetee of Raod van Èlluf good op. Zie zeen degene die alles in goj baane leije.
10. De zjurieoetsjlaag is bènjend. Dao kènt neet teage geprotteteerd waere.
11. De Raod van Èlluf beslis euver zaake woo-euver in dit vastelaoves-optochreglemènt neet is veurzeen.

Hofleveranseers van de Borse vastelaovend:

